

25.06.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. **Naatsorsuutit akuerineqarnikuni kingulliusoq naapertorlugu, "Great Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?**
2. **Ukiut siulii naatsorsorsinnaasat tamakkerlugit katikkaanni, "Great Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.**

(Inatsisartunut ilaasortaq Pele Broberg, Naleraq)

Tunngavilersuutit:

Suliffeqarfiutigit kiisami ammasumik isertuaatsumillu ingerlatsisinnaalerniassammata, ingerlatsivillu inuiaqatigiinnit tamakkiisumik pigineqartoq "Great Greenland A/S" qanoq annertutigisumik namminersortut soqutigisaannik anguniagallit kattuffiannut "Grønlands Erhverv"-imut aningaasartuuteqartarnersoq paasisinnaalerniassagatsigu, apeqqutit ukua ingerlateqqinneqarput.

Apeqqutigineqartut ullut suliffiusut qulit (10) iluanni allakkatigit akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.



Inatsisartunut ilaasortaq, Pele Broberg, Naleraq
/Maani

§ 37 naapertorlugu apeqqummut nr. 2025-81-imut akissut

Inatsisartut Suleriaasianni § 37, imm. 1 naapertorlugu Sulisitsisunut akiliutaasartut pillugit ataani allassimasutut Naalakkersuisunut apeqquteqarputit.

Apeqqutigineqartut tullinnguuttuni akineqarput.

Apeqqut siulleg.Naatsorsuutit akuerineqarnikuni kingulliusoq naapertorlugu, "Great Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?

Akissut: § 37 naapertorlugu apeqqutigineqartut akisinnajumallugit Great Greenland A/S-mit akissutissanik pissarsiniartoqarsimavoq, taakkulu ima akissuteqarput:

"Great Greenland A/S - ip ilisimatitsissutigissavaa ukiumi naatsorsuussiorfiusumi 2024-mi qaammatit pingasukkaarlugit 13.600 kr.-inik tassalu ukiumut 54.000 kr.-inik Sulisitsisunut akiliuteqartoqartarmat.

Apeqqutip aappaa. Ukiut siulii naatsorsorsinnaasat tamakkerlugit katikkaanni, "Great Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

Akissut: § 37 naapertorlugu apeqqutigineqartut akisinnajumallugit Great Greenland A/S-mit akissutissanik pissarsiniartoqarsimavoq, taakkulu ima akissuteqarput:

"Great Greenland A/S - ip ilisimatitsissutigissavaa ukiumi naatsorsuussiorfiusumi 2024-mi qaammatit pingasukkaarlugit 13.600 kr.-inik akiliutertarmat. (ukiumut 54.000 kr.), 2023 qaammatit pingasukkaarlugit 12.618 kr. (ukiumut 50.472 kr.), 2022 qaammatit pingasukkaarlugit 12.204 kr. (ukiumut 48.816 kr.), 2021 qaammatit pingasukkaarlugit 11.952 kr. (ukiumut 47.808 kr.), 2020 qaammatit pingasukkaarlugit 12.076 kr. (ukiumut 48.304 kr.)"

Med venlig hilsen

Jens Frederik Nielsen

02-07-2025
Suliap normua 2025 - 391
All. normua. 22954854

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl